

## ZAPISNIK

sa prvog sastanka Privrednog vijeća opštine Bosanska Krupa održanog dana 16.10.2014. godine u Bosanskoj Krupi sa početkom u 10<sup>00</sup> sati

### Sastanku su prisustvovali:

1. Armin Halitović, Općina Bosanska Krupa
2. Mirsad Alukić, BC- GRADNJA Otoka
3. Adem Šahinović, d.o.o. PERNA F
4. Aida Fajnica, KRUPA KABINE d.o.o.
5. Mauro Medici, KRUPA KABINE d.o.o.
6. Sead Mujagić, KRUPA KABINE d.o.o.
7. Jovo Adamović, d.o.o. ADACO
8. Ilijaz Harčević, d.o.o. MS - ALEM
9. Ademir Mesić, JP RADIO BOSANSKA KRUPA
10. Samir Mesić, INFOSYS doo
11. Mladen Lonić, d.o.o. JELA GRMEČ
12. Alen Redžić, LAG UNA - SANA
13. Šefik Veladžić, LAG UNA - SANA
14. Sadika Halitović, Općina Bosanska Krupa
15. Esmā Hergić, Općina Bosanska Krupa
16. Zdravko Miović, Agencija za razvoj preduzeća – Eda, Banja Luka
17. Jelena Prohaska, Agencija za razvoj preduzeća – Eda, Banja Luka

Sastanak je u 10<sup>00</sup> časova otvorio **načelnik opštine, gđin. Armin Halitović**. Naglasio je značaj i potrebu osnivanja Privrednog vijeća opštine Bosanska Krupa, i obavijestio prisutne o pristupanju opštine projektu certificiranja povoljnog poslovnog okruženja (BFC).

**G-din Miović (Eda)** je predstavio Razvojnu agenciju Eda, povode za uspostavljanje Privrednog vijeća (Credo projekat i BFC) i razloge za uspostavljanje vijeća koji se odnose na povećanje konkurentnosti i profitabilnosti privrede i poboljšanje poslovnog okruženja opštine. Otvorio je diskusiju u vezi sa uspostavljanjem i radom privrednog vijeća.

**G-din Mesić (Infosys d.o.o.)** Podržao je osnivanje privrednog vijeća imajući u vidu da konkurencija podstiče saradnju i razvoj.

**G-din Mujagić (Krupa Kabine d.o.o.)** U rad vijeća bi trebalo uključiti i aktuelnu političku vlast (opštinsko vijeće). Glas politike se čuje dok se glas privrede ne čuje. Potrebno je uspostaviti ravnopravan dijalog politike i privrede.

**G-din Halitović (načelnik opštine)** Posljednjih nekoliko godina opština je tražila sagovornike iz privrede, ali to nije bilo moguće bez postojanja udruženja privrednika.

**G-din Šahinović (d.o.o. Perna F)** je istakao teškoće u poslovanju (dobijanje građevinskih dozvola, spore i skupe procedure i tarife,...) i naglasio da poljoprivreda predstavlja veliki

resurs opštine (proizvodnja malina, davanje poticaja mladim poljoprivrednicima, uvođenje poreza na neobrađeno zemljište,...).

**G-din Adamović (d.o.o. Adaco)** pozdravlja inicijativu osnivanja Privrednog vijeća. Jedina šansa da firma opstane je u razvoju firme. Naglasio je da se neki od problema, sa kojima se susreće privreda, ne mogu riješiti na lokalnom nivou.

**G-din Mesić (Infosys d.o.o.)** Udruženje privrednika je postojalo i ugasilo se jer nije imalo sagovornika. Načelnik opštine je predstavnik opštinskog vijeća.

**G-din Lonić (d.o.o. Jela Grmeč)** Problem u drvoprerađivačkoj industrije je nedostatak sirovine i u toj oblasti lokalna uprava nema nadležnosti. Nekoliko pilana i prevoznih preduzeća se, u proteklih nekoliko godina, ugasilo zbog nedostatka sirovine.

**G-din Veladžić (LAG Una- Sana)** je istakao važnost o educiranju za dobijanje evropskih fondova i predstavio uspostavljanje Centra ta promociju i razvoj poduzetništva, za čije je funkcionisanje neophodno uspostavljanje dobre saradnje sa privredom.

**G-din Miović (Eda)** Ekonomija Bosanske Krupe je mala ali dobra jer su firme stekle iskustvo u poslovanju na međunarodnom tržištu. Zahtjevni kupci razvijaju privredu, a zahtjevni privrednici razvijaju opštinu. Sa druge strane analize govore da je loše ocjenjena podrška institucija koje su trebale pružati podršku razvoju firmi.

Evidentiraćemo zahtjeve privrednika za potrebnim unapređenjima i procijeniti šta je izvodivo na lokalnom nivou. Potrebna unapređenja na višim nivoima će takođe biti evidentirana i usmjerena prema višim nivoima kada se steknu uslovi za to.

Za slijedeći sastanak je predloženo da Opština napravi listu potrebnih unapređenja za dobijanje BFC, kao i da Opština i LAG Una Sana obave razgovore sa privrednicima u pogledu njihovih zahtjeva. Definisaće se prioriteti koji će se dalje razrađivati u formi plana unapređenja.

Sekretarijat Privrednog vijeća je Služba za poduzetništvo i razvoj u saradnji sa LAG Una Sana.

Na komentar g-dina Mesića (InfoSys) i g-dina Adamovića (d.o.o. Adaco) da bi Privredno vijeće trebalo imati više članova, naglašeno je da efikasno i operativno Privredno vijeće ne bi trebao imati više od 20 članova, a da članstvo u Privrednom vijeću svakako nije zatvoreno te da se, prema potrebi, uvijek mogu uključiti dodatni članovi.

**G-din Šahinović (d.o.o. Perna F)** je istakao da je potrebno privući investitore i vidjeti iskustva drugih opština u vezi sa unapređenjem poslovnog okruženja i zapošljavanja.

**G-đa Hergić (Opština Bosanska Krupa)** je naglasila da je opštinska služba za poduzetništvo i razvoj na raspolaganju privrednicima.

**G-din Horčević (d.o.o. MS - Alen)** Prisutan je problem neprovođenja propisa i zakona. Preduzeće je puno uložilo u modernizaciju (standardizaciju,...) ali im to predstavlja problem zbog nelojalne konkurencije drugih preduzeća.

**G-din Medici (Krupa Kabine).** Preduzeća koja su došla na sastanak su prepoznala značaj uspostavljanja privrednog vijeća. Ukoliko uspijemo definisati ciljeve i raditi na njihovom ostvarenju to će olakšati poslovanje i svim ostalim firmama, a ne samo za ovih 20 koje su članovi vijeća. Naglasio je važnost komunikacije privatnog i javnog sektora za ostvarenje ciljeva.

**G-din Miović (Eda)** je naglasio da su slijedeći sektori izdvojeni kao prioritetni sektori za razvoja Krupe: metaloprerađivačka industrija, drvoprerada, prehrambena sa poljoprivredom, IKT i turizam (predstavnik Turističkog info centra je član savjeta).

Dogovoreno je da se za slijedeći sastanak identifikuju problemi sa kojima se privrednici suočavaju (uporediti probleme sa potrebnim unapređenjima za dobijanje BFC) i da se za slijedeći sastanak uradi prioritizacija i započne izrada plana unapređenja.

**Načelnik opštine** je naglasio da je finansijska sredstva potrebna za rješavanje određenih problema moguće uključiti u budžet opštine za 2015. godinu.

#### **Zaključci:**

1. Podržana je potreba osnivanja Privrednog vijeća Bosanske Krupe i usvojena metodologija rada vijeća
2. Dogovoreno je da predstavnici Opštine i LAG Una Sana, u saradnji sa Edom, obave razgovore sa zainteresovanim privrednicima u vezi sa definisanjem problema sa kojima se susreću u poslovanju.
3. Služba za poduzetništvo i razvoj će pripremiti listu potrebnih poboljšanja za dobijanje BFC sertifikata i uporediti je sa problemima sa kojima se susreću privrednici.
4. Na slijedećem sastanku Privrednog vijeća će se definisati prioriteti za unapređenje i dogovoriti razrada plana unapređenja.
4. Finansijska sredstva za realizaciju plana unapređenje je moguće uključiti u budžet Opštine za 2015. godinu.

Sastanak je završen u 12:00 sati.

Zapisnik vodila: Esmā Hergić